

АКАФИСТ

ПРЕПОДОБНОМУ И
БОГОНОСНОМУ
ОТЦУ НАШЕМУ

ИОНЕ,
КИЕВСКОМУ ЧУДОТВОРЦУ

Издание Свято-Троицкого Ионинского монастыря

Киев
2017

ПРАЗДНИКИ МОНАСТЫРЯ

9/22 Преставление преподобного Ионы
января

1/14 Первое явление Божией Матери
марта преподобному Ионе

9/22 Второе явление Божией Матери
марта преподобному Ионе

ПЯТОЕ ВОСКРЕСЕНЬЕ ВЕЛИКОГО ПОСТА
Собор преподобных отцов Зверинецких

ДЕНЬ СВЯТОЙ ТРОИЦЫ (Пятидесятница)
Престольный праздник обители

ДЕНЬ ВСЕХ СВЯТЫХ
Престольный праздник придела
в честь всех святых

28/1 Иконы Божией Матери «Троеручица»
июня / июля (Афонской)

12/25 Иконы Божией Матери «Троеручица»
июля (Киевской)

ВОСКРЕСЕНЬЕ ПОСЛЕ ВОЗДВИЖЕНИЯ
Обретение и перенесение мощей
преподобного Ионы

22/4 Прославление преподобного Ионы
октября / ноября

ПОСЛЕДНЕЕ ВОСКРЕСЕНЬЕ НОЯБРЯ
Обновление Троицкого храма обители

Конда́к 1

Избра́нный уго́днице Христо́в и чудотво́рче, преподо́бне о́тче Ио́но, возсия́вый ми́рови, я́ко звезда́ богосвѣтлая, жити́я твоего́ добро́тою и мно́жеством чудотворе́ний, восхваля́ем тя́ любóвию в пѣснех духо́вных: ты́ же, я́ко имѣ́й дерзнове́ние ко Го́споду, моли́твами твои́ми от всѣ́ких нас бед свободи́, да зове́м ти: Ра́дуйся, преподо́бне о́тче на́ш Ио́но, гра́да Ки́ева похвало́ и украше́ние!

Икос 1

Ангельскийнравимелеси́, о́тче преподо́бнеи, я́ко безплóтный, непорóчно жити́е совершил еси́

на земли, дивный образ совершенства духовнаго нам оставив, да подражаем добродетелем твоим и зовем ти сице:

Радуйся, цвѣте благоуханный
добраго воспитанія:
Радуйся, сосуде Божественнаго
избрания.

Радуйся, яко любезная и красная міра
сего презрел еси:
Радуйся, яко небесных и нетленных
желаніем вожделел еси.

Радуйся, волею твердою воли своея
отрекійся:
Радуйся, отсеченіем страстей
угодивый Богу и спасійся.

Радуйся, преподобне отче наш Ионо,
града Кіева похвало и украшеніе.

Кондак 2

Видя Господь душу твою яко ниву
благовозделанную к плодоносию духовному,
от юности к исканію единаго на потребу на-
прави твой помысл, преподобне, темже любве
ради Христовы родителей твоих и дом отеческий
оставил еси и, всякаго пристрастия суетнаго

свободівся, притекл еси в пúстынь Сарóвскую под крилé Серафíма преподóбнаго, на пóдвиги íноческия, зовый спасаýщему тя Бóгу: Аллилу́ия.

Икос 2

Рáзумом богопросвещéнным постигл еси суету́ мíра сегó и непостоянство, в нёмже рáдость сменяется скóрбию, благополúчие наветуется нечáянными бедáми. Тёмже вéчных нетлéнных блáг возжелéл еси, óтче преподóбне, и сия взыскáти потщáлся еси отречéнием мирскíх блáг и вóльною нищетóю, подвигáя нас звáти тебе́:

Рáдуйся, тéсный пúть спасéния
от юности возлюбíвый:
Рáдуйся, ярém Гóсподень на вýю
свою́ возложíвый.

Рáдуйся, священными обéты волю́
свою́ связáвый:
Рáдуйся, себé и весь живóт свой
Гóсподеву предáвый.

Рáдуйся, коемúждо во блáго
усérдный служíтелю:
Рáдуйся, болящих и немощных успоко́ителю.

Рáдуйся, преподóбне óтче наш Иóно,
гра́да Кíева похвалó и украшéние.

Кондак 3

Силою Всевышняго осененный и укрепляемый в иночестем пострижении власов главы твоея, все плотское мудрование отложил еси, преподобне, и яко воин благоискусный, одежду иноческую в броню спасения стяжав и непобедимым оружием Креста Христова вооружився, крепко ратовал еси противу врага невидимаго диавола, смирением глубоким побеждая его вознесенную гордыню и вину вопия ко Господу: Аллилуия.

Икос 3

Имѣя слез источник изобильный, угодниче Божий, и умиления велию благодать, хлеб твой слезами орошал еси и питие плачем растворял еси, от преизбытка желания божественнаго и любви ко Господу. Темже и мы убожаем тя званием сими:

Радуйся, помыслы плотския силою молитвы прогоняяй:

Радуйся, сомнящихся в вере словом Божиим утверждаяй.

Радуйся, лишении телесными многа блага духовная собираяй:

Ра́дуйся, нището́ю дарова́ния небéсная
стяжа́вый.

Ра́дуйся, молча́ния изря́дный
хранíteлю:

Ра́дуйся, стрóгий уста́вов ино́ческих
блюсти́телю.

Ра́дуйся, преподо́бне о́тче наш Ио́но,
гра́да Ки́ева похвало́ и украше́ние.

Конда́к 4

Бу́ря искуше́ний и устремле́ний диа́вольских
не возмо́же поколебáти хра́мины тво-
ея́ душе́вныя, преподо́бне о́тче, осно́вана бо бе
на твёрдом ка́мени ве́ры во Христа́, и хранíма
трезвением и моли́твами непреста́нными, íмиже
вѣну противобóрствовал еси́ врагу спасéния
человéческаго, и непреткновéнно восходи́л еси́ по
стезя́м добродéтелей к соверше́нству духо́вному
в ме́ру во́зраста Христо́ва, воспева́я Богу: Аллилу́ия.

Икос 4

Слы́шаша, преподо́бне о́тче Ио́но, б́лижнии
и да́льнии ангелоподо́бное твоё жити́е
и благода́ти чудес струю́, вѣну теку́щую, я́ко

моли́твою твоёю прокаже́ннии очища́ются,
слепи́и прозира́ют, хромии́ ходят и разнообра́зных
недуг с ве́рою прите́кающи, а́ще и иновёрцы,
здравие улуча́ют, сих избáвльшесе, вопия́ху к тебé
тако́вая:

Ра́дуйся, боля́щим, я́ко бра́тии
Христо́вой, служи́телю:
Ра́дуйся, высóких подвиго́в жити́я
христиа́нского ревни́телю.

Ра́дуйся, новона́чальных иску́сный
руководи́телю:
Ра́дуйся, неизме́нное пра́вило поста́
и покая́ния: Ра́дуйся, всем внуша́яй
Жи́зни Ве́чныя взыска́ние.

Ра́дуйся, преподо́бне о́тче наш Ио́но,
гра́да Кие́ва похвало́ и украше́ние.

Конда́к 5

Боготéчная пресвётлая звезда́ яви́лся еси́,
преподо́бне о́тче наш Ио́но, не́бо церко́в-
ное украша́яй и всех блудя́щих по мо́рю
стра́стного жити́я сегó да́нною тебé от Со́лнца
пра́вды Христа́ Иису́са, и́стиннаго Бога, бла-
годáтию озаря́яй, мрак печáлей и мглу́ всяких
недуг и скорбе́й прогоня́яй, наставля́еши всех

к тебе с верою притекающих на путь спасенный,
к вечному Небесному Отечеству ведущий,
поющих Богу: Аллилуия.

Икос 5

Видевше ангельстии чинове равноангельное
житие твоё, отче богоблаженне, смирения
твоего глубину, молитвы неотступность,
воздержания твердость и велию ревность духа
твоего о чистоте, удивися и прославиша
Человеколюбца Бога, укрепляющего немощное
естество человеческое. Мы же ублажаем тя
и зовём:

Радуйся, мирским наставниче
жизни богоугодныя:
Радуйся, основателю
обители благоплодныя.

Радуйся, яко благая начинания твоя
Христос благослови:
Радуйся, яко сотрудника тебе
в лице державнаго яви.

Радуйся, общее житие
монашествующих основавый:
Радуйся, тем всеоружие благочестия
им подавый.

Рáдуйся, преподóбне óтче наш Ио́но,
гра́да Ки́ева похвалó и украшéние.

Конда́к 6

Проповéдует мир весь правосла́вный тебе́,
преподóбне óтче наш Ио́но, де́монов
прогони́теля, боле́зней исцели́теля и ины́х
мно́гих чуде́с соверши́теля. Мы же, Бога о тебе́
прославля́юще, вопи́ем Ему́: Аллилу́ия.

Икос 6

Возсия́л еси́ на гора́х Зверине́цких богосвётлое
свети́ло и на спасéния стезю́ наста́вил еси́
мно́ги ду́ши челове́ския: яви́ бо ты Христóс
наста́вника и учи́теля ино́ком пустыннолю́бывым,
иже стека́хуся к тебе́, я́ко óвцы к па́стырю, могу́щу
упасти́ их на па́жити живонóсней. Тёмже я́ко
сотвори́вшаго и научи́вшаго, честву́ем ты си́ми
похва́льными словесы́:

Рáдуйся, óбщими труды́ пра́здных
помысло́в шата́ния упразднёвый:
Рáдуйся, те́ми, я́ко бронёю,
страсте́й разжжё́нныя стрéлы отрази́вый.

Рáдуйся, всели́вый во оби́тели дух
о́бщаго воздержáния:

Ра́дуйся, потребы́вый в ней
плéвелы любостяжа́ния.

Ра́дуйся, бо́дрствованию духо́вному
мно́ги иноки научи́вый:
Ра́дуйся, до конца́ жити́я пе́рвый
в тружда́ющихся бы́вый.

Ра́дуйся, преподо́бне о́тче наш Ио́но,
гра́да Кие́ва похвало́ и украше́ние.

Конда́к 7

Хотя́ человеколюби́вый Го́сподь просла́вити
ме́сто сие́ я́ко виногра́д подвиго́в твои́х, о́тче,
посла́ Пресвяту́ю Влады́чицу на́шу Богоро́дицу
благовести́ти тебе́, я́ко бу́дет в гра́де Кие́ве оби́тель
ино́ком во спасе́ние, украше́нная хра́мом во и́мя
Святы́я Тро́ицы. Ты́ же, явлéнием Пречи́стия
просвещéн, с радостным трéпетом внимáл еси́
благове́стию небéсному, зовы́й во смире́нии дýха
Влады́це Ангелов и челове́ков: Аллилу́ия.

Икос 7

Но́вое зна́мение благоволе́ния Бо́жия дарова́ся
тебе́, преподо́бне, егда́, безмо́лвствующу́ ти́
в Вы́дубицком монасты́ре, в но́щи свет ве́лий
облиста́ ве́домую́ ти́ кэ́лию, и Сама́ Пречи́стая

с сонмом святых предста пред тобою, мир ти даруя
и повелевая, да устроиши тамо обитель иноческую
и в ней храм во имя Святыя Троицы. Дивясь убо сему
пречудному Богоматернему явлению, зовем ти:

Радуйся, мудро предначертавый
обитель нову:

Радуйся, поревновавый ницетолюбному
житию Христову.

Радуйся, святые храмы
во обители создавый:

Радуйся, мног собор монашествующих
сбравый.

Радуйся, яко труд твой свыше
благословися:

Радуйся, яко святое желание
сердца твоего совершися.

Радуйся, преподобне отче наш Ионо,
града Киева похвало и украшение.

Кондак 8

Страннолепно явися ти на воздухе Матерь Божия
со апостолы и мученики и преподобными
и прочими святыми, указуя место, на немже храм во
имя Живоначальные Троицы и обитель нову имел
еси воздвигнути на горе Зверинцевей, преподобне

отче, егѡже Бѡжиим поспешѣнием совершивъ и освятѣвъ, со ученики твоими немолчныя хвалы возсылал еси в нем Господеви, зовый: Аллилуия.

Икос 8

Весь еси любовь неоскудевающая и подвига зерцало нетускняющее был еси, преподобне Ионо. Видяще же ревностное по Бозе и жестокое житие твоё и братии, непрестанно в трудех и пощении подвижающихся и ходящих в рубищных и худых одеждах, мнози от всякаго чина мирских людей и князей людских не точию сих не отвращахуся, но паче ревностию духовною горяще и во обители купно с ними подвизатися желаяще, приношаху те имения своя на пользу общую, темже здателю тоя возглашаем тако:

Радуйся, яко во обители твоёй мнози души своя спасоша:

Радуйся, яко из нея пастыреначальницы изыдоша.

Радуйся, благочестивых отрадо и утешение:

Радуйся, колеблющихся в вере крепкое утверждение.

Радуйся, отчаявающихся утверждаяй во уповании:

Ра́дуйся, просвети́вый мно́гих
святы́ми писа́нии.

Ра́дуйся, преподо́бне о́тче на́ш Ио́но,
гра́да Ки́ева похва́ло и украше́ние.

Конда́к 9

Всякое естество́ а́нгельское и подви́жников мно́жество удиви́шася смире́нию и человеко́любию твоему́, о́тче на́ш Ио́но, егда́, архимандритства Межи́горскаго послуша́ние восприя́в, Феодо́сию игу́мену Пече́рскому, я́ко жити́й о́бщих на Руси́ учредите́лю уподо́бился еси́. И о бра́тии святы́я оби́тели сея́, я́ко о ча́дех Бо́жих, попече́ния не оста́вивый, Богу, любя́щему всякое свое́ создáние, о те́х зыва́л еси́: Го́споди, послí Ду́ха Свята́го Твоего́ и утэши ско́рбныя ду́ши рабо́в Твои́х сих. Та́ко бо во вся́ком послуша́нии смиренному́дрия красото́у показу́я, непреста́нно зыва́л еси́ Бо́гу: Аллилу́ия.

Икос 9

Витийство челове́ческое не довлéет изрещи́ обилие ра́дости духо́вныя, ею́же преиспо́лнялся еси́, о́тче богонóсне, егда́ во вре́мя

молитвы твоея нощныя, являшеса ти Пресвятая Богородица с ликами чинѡв подвижнических, и обетовании непреложными душу твою возвесели, яко присная Заступница обители твоея будет, снабдевающи и покрывающи ю по вся дни. Темже и мы сия радостная тебе приносим глаголы:

Радуйся, шествовавый путем трудным
и тесным:

Радуйся, возводяй других
к обителем небесным.

Радуйся, надеждо светлая в нужде
и обстоянии сущих:

Радуйся, покровителю сырых
и крова не имущих.

Радуйся, гладом погибающих питателю:

Радуйся, желаемых благ пришедшим
к тебе подателю.

Радуйся, преподобне отче наш Ионо,
града Киева похвало и украшение!

Кондак 10

Спасти хотя души ученик твоих, отечески
назидал еси их, богомудре, оваго действительным
словом, оваго примером жития твоего,

с любовью обличая и увещавая их преуспевати во благочестии и чистоте: наипаче же пред кончиною твоею, вся ко спасению душевному благопотребная заповедал еси им, и научил еси их в молитвах бодрствовать и немолчно пети Богу: Аллилуия.

Икос 10

Стенá заступлénия бѣша молитвы твоѧ, чудотворче святѣй, всем, с вѣрою к тебе притекающим во всякой скорби, ибо чистоты ради твоея сердечныя сила духовная тебе даровася болящих исцеляти, бедствующим помогати, будущая прорицати, яко славити ближним и дальним величия Божия, в тебе явленная, и звати тебе сице:

Радуйся, милости источник
неистощимый:

Радуйся, скорбящих утешителю незримый.

Радуйся, последняя твоѧ взаим
Богѧ давай:

Радуйся, добрым рачением
и расточением сущих богатая собравый.

Радуйся, досточудный образе
терпения:

Ра́дуйся, наставля́ниче нелéстнаго
благоговéния.

Ра́дуйся, преподóбне óтче наш Ио́но,
гра́да Ки́ева похвалó и украшéние.

Конда́к 11

Пéние всеумилéнное принéсл еси́ Пресвяте́й
Тро́ице во вре́мя кончи́ны твоея́, преподóбне,
и моли́тве сущей на устéх твои́х, преда́л еси́ святу́ю
ду́шу твою́ в ру́це Жива́го Бо́га, Егóже от юности
возлюбил еси́, и ему́же до ста́рости масти́тыя
рабо́тал еси́ нелицеме́рно, те́мже со упова́нием
благим ра́достно прешéл еси́ коби́телем небéсным,
со Ангельскими ли́ки пéти Триипоста́сному Богу:
Аллилу́ия.

Икос 11

Ми́рную кончи́ну ви́девше твои́ ученицы́,
вели́кий уго́дниче Бо́жий, ско́рбь разлучé-
ния с тобо́ю утешéнием благодáтным раство́ри-
ша, в упова́нии всеси́льнаго предста́тельства
твоего́ горé у престо́ла Бо́жия, иде́же слы́шиши
с любóвию тебе́ зову́щих:

Ра́дуйся, благопотре́бне во отéчествии
твоём возсия́вый:

Ра́дуйся, ве́ру в де́лех жити́я твоего́
показа́вый.

Ра́дуйся, разу́мных и препро́стых
благоиску́сный учи́телю:
Ра́дуйся, чистоты́ душе́вныя и телесныя
усердны́й храните́лю.

Ра́дуйся, вну́треннею Креста́ Христо́ва
красото́ю восхище́нный:
Ра́дуйся, си́лою свы́ше на труд крестоноше́ния
облече́нный.

Ра́дуйся, преподо́бне отче наш Ио́но,
гра́да Кие́ва похвало́ и украше́ние.

Конда́к 12

Благодати прича́стна яви́ся свяще́нная ра́ка,
тобо́ю са́ми́м сооруже́нная, содержа́щая
многоцеле́бныя мо́щи тво́я, чудотво́рче святы́й,
и́же по ле́тех мно́зих яви́ Го́сподь во скле́пе
церко́внем нетле́нными, и па́ки по надруга́нию
безбо́жник сокры́, и па́ки яви́ в не́дрех земли́
невре́димы, исцеле́ния неоску́дно источа́ющия,
и всяк недуѓ врачу́ющия си́лою Бога, дивна́го
во святы́х Свои́х, дивно́ же просла́вльшаго
тя на небеси́ и на земли́, Ему́же воспева́ем:
Аллилу́ия.

Икос 12

Поюще радостную пѣснь хвалы и благодарения Человеколюбцу Богу, прославльшему тя в земли Рустей чудотворца дивнаго и милостиваго, молим тя, преподобне отче наш Ионо: буди ходатай к Немѹ и молитвенник присный о нас, зовущих ти:

Радуйся, стрелами вражих
навет неуязвимый:
Радуйся, спасаемых вождю
непобедимый.

Радуйся, и по отшествии обитель
твою соблюдаяй:
Радуйся, молящимся благопотребная
подаваяй.

Радуйся, от Господа венѣц правды
восприявый:
Радуйся, славою чудотворений
просиявый.

Радуйся, преподобне отче наш Ионо,
града Кіева похвало и украшение.

Кондак 13

О великий и преславный чудотворче,
преподобне отче наш Ионо! Милостиво прияв

сие малое моление наше, молитвами твоими сохрани нас от недугов душевных и телесных в жизни сей и от грядущих мучений вечных избави, и сподоби нас вкупе с тобою во Царствии Небеснем вину пети Богу: Аллилуия.

*Сей кондак глаголи трижды.
Посем икос 1-й и кондак 1-й.*

Молитва

Освященная глава, ангеле земный и человеке небесный, преподобне и богоносне отче наш Ионо, изрядный угодниче Пресвятыя и Единосущныя Троицы, являющий многия милости живущим во святей обители твоей и всем с верою и любовью притекающим к тебе. Испроси нам вся благопотребная к житию сему временному и нужная к вечному спасению нашему. Пособствуй предстательством твоим, угодниче Божий, всем нам, к мощем твоим святым припадающим, на враги видимыя и невидимыя одоление, да в мире глубоче пребудет Святая Православная Церковь Христова, и в благоустроении зиждется обитель, юже ты основал еси, во всяком благочестии нерушимою. Буди всем нам,

чудотворче святѣй, помощник скорый во всякой скорби и обстоянии. Наипаче же в час кончины нашея явися нам заступник благосердый, да не предани будем на мытарствах воздушных власти злобнаго миродержца, но да сподобимся непреткновеннаго восхода в Царствие Небесное. Ей, отче, молитвенниче наш присный, не посрамя упования нашего, не презри смиренная моления наша и предстательствуй за нас пред престолом Живоначальных Троицы, да сподобимся вкупе с тобою и со всеми святѣми мы, недостойнии, в селениих райских славити величие, благодать и милость единаго в Троице Бога, Отца и Сына и Святаго Духа во веки веков.



Киев
2017